

Capítulo:

Epígrafe:

(Para cubrir no *Diario Oficial de Galicia*)

SUMARIO

Resolución do de de 2020 da Dirección Xeral da Función Pública, pola que se convoca o concurso ordinario para a provisión de postos de traballo vacantes do corpo facultativo superior de administración especial da administración xeral da Comunidade Autónoma de Galicia, escala de veterinarios.

O artigo 89 da Lei de 2/2015, do 29 de abril, do emprego público de Galicia, en adiante LEPG, establece que o concurso é o procedemento normal de provisión de postos de traballo para o persoal funcionario de carreira e consiste na valoración dos méritos e das capacidades e, de ser o caso, das aptitudes dos candidatos conforme ás bases establecidas na correspondente convocatoria.

O artigo 14.2.d) do devandito texto legal atribúe á persoa titular da consellería competente en materia de Función Pública a competencia para convocar e resolver os concursos ordinarios de provisión de postos de traballo incluídos nas relacións de postos de traballo do persoal funcionario da Administración xeral da Comunidade Autónoma de Galicia.

O artigo 90.1 da LEPG establece o concurso ordinario como o procedemento xeral de provisión dos postos de traballo que non teñan establecida outra forma de provisión na relación de postos de traballo.

Ao existiren na relación de postos de traballo, vacantes dotadas orzamentariamente e cuxa provisión se considera necesaria, esta Dirección Xeral, en uso das competencias que ten atribuídas, logo de negociación na Mesa Xeral de Empregados Públicos e na Comisión de Persoal, resolve convocar concurso ordinario de traslados para a provisión dos postos de traballo vacantes de Administración xeral da Comunidade Autónoma de Galicia, de conformidade coas seguintes

BASES

I. Requisitos para a participación.

1. Poderán participar neste concurso :

a) O persoal funcionario de carreira do corpo facultativo superior de administración especial da administración xeral da Comunidade Autónoma de Galicia, escala de veterinarios ou análogas doutras administracións públicas, unha vez transcorridos dous anos dende que accedesen ao posto que veña desempeñando con carácter definitivo, agás que este se proveese polo sistema de libre designación, caso en que non se esixirá permanencia.

Non obstante, de acordo co disposto no artigo 90.2 da LEPG, o persoal funcionario de novo ingreso terá que acreditar en todo caso, para os efectos de poder participar neste concurso, unha antigüidade mínima de dous anos dende o seu nomeamento como persoal funcionario de carreira.

Ao persoal funcionario de carreira que accedese a un corpo ou escala por promoción interna ou en virtude dun procedemento de integración e permanecese no posto de traballo que desempeñaba, computaráselle o tempo de servizos prestados neste posto no corpo ou escala de procedencia para os efectos do disposto no parágrafo anterior.

b) O persoal funcionario de carreira do corpo facultativo superior de administración especial da administración xeral da Comunidade Autónoma de Galicia, escala de veterinarios ou análogas doutras administracións, que se encontre na situación administrativa de excedencia voluntaria por interese particular, unha vez transcorrido o período mínimo de permanencia nesta situación.

c) O persoal funcionario de carreira do corpo facultativo superior de administración especial da administración xeral da Comunidade Autónoma de Galicia, escala de veterinarios ou análogas doutras administracións, que se encontre na situación administrativa de excedencia voluntaria por prestación de servizos no sector público.

d) O persoal funcionario de carreira do corpo facultativo superior de administración especial da administración xeral da Comunidade Autónoma de Galicia, escala de veterinarios ou análogas doutras administracións, que se encontre na situación administrativa de excedencia voluntaria por razón de violencia de xénero.

2. Está obrigado a participar neste concurso:

a) O persoal funcionario de carreira do corpo facultativo superior de administración especial da administración xeral da Comunidade Autónoma de Galicia, escala de veterinarios que se encontre ao dispor do órgano competente ou adscrito provisionalmente a un posto de traballo estará obrigado a participar e a solicitar todos os postos situados na mesma localidade e en localidades que, de acordo co disposto no artigo 97.5 e a disposición transitoria quinta da LEPG, se atopen a unha distancia de 30 quilómetros en relación coa localidade do último posto que ocupou con carácter definitivo ou da localidade do posto ao que está adscrito provisionalmente, elección que deberá manifestar expresamente na solicitude de elección de postos de traballo a que se refire a base IV. O incumprimento desta obriga determinará a declaración da situación de excedencia voluntaria por interese particular (artigo 97 da LEPG). Para estes efectos, tomarase como data de referencia a da situación da persoa concursante no día da publicación da convocatoria de concurso de traslados no *Diario Oficial de Galicia*.

Ao persoal funcionario de carreira que, cumprindo a obriga establecida no artigo 97.5 da LEPG, non obteña praza consecuencia da resolución do concurso, seralle adxudicado pola Dirección Xeral da Función Pública, de oficio e con carácter definitivo, un posto de traballo correspondente ao seu corpo e escala de entre aqueles que quedaran vacantes. A dita adxudicación realizarase seguindo os criterios contidos no parágrafo anterior.

Exceptúase do establecido neste apartado o persoal de novo ingreso que non teña unha antigüidade mínima de dous anos dende o nomeamento como persoal funcionario de carreira.

O persoal ao que se refire esta base I.2.a) poderá solicitar, a maiores dos que está obrigado a pedir no concurso, calquera outro posto ofertado para o que cumpra os requisitos.

b) O persoal funcionario de carreira do corpo facultativo superior de administración especial da administración xeral da Comunidade Autónoma de Galicia, escala de veterinarios, que se encontre adscrito por motivos de saúde ou rehabilitación a un posto de traballo en distinta localidade daquela na que teña o seu destino definitivo estará, en aplicación do

disposto no artigo 89 da LEPG, obrigado a participar no concurso debendo solicitar todos os postos situados na mesma localidade do posto ao que figure adscrito provisionalmente.

O incumprimento desta obriga determinará o cesamento no posto no que figure adscrito por motivos de saúde ou rehabilitación.

3. Non poderán participar neste concurso:

- a) O persoal funcionario de carreira do corpo facultativo superior de administración especial da administración xeral da Comunidade Autónoma de Galicia, escala de veterinarios, nomeado con carácter provisional como consecuencia da resolución de procesos selectivos, calquera que sexa a situación na que se encontre. Este persoal será convocado para elixir destino definitivo tras a resolución do concurso atendendo á orde de prelación obtida no correspondente proceso selectivo.
- b) O persoal funcionario de carreira do corpo facultativo superior de administración especial da administración xeral da Comunidade Autónoma de Galicia, escala de veterinarios, que se encontre na situación administrativa de suspenso firme, mentres dure a suspensión.

II. Tramitación electrónica.

a) No referente á presentación das solicitudes

Os trámites relativos á cumprimentación e presentación das solicitudes de participación ou das solicitudes de elección de postos de traballo, así como os de cumprimentación da xustificación dos méritos e requisitos ou a cobertura, de ser o caso, do impreso de emenda, deberán realizarse electronicamente accedendo a:

1. Portal do Empregado no enderezo electrónico <https://portax.xunta.es> para todo o persoal da Administración xeral da Comunidade Autónoma de Galicia que se atope en servizo activo na súa escala de participación. Para acceder ao Portal do Empregado requírese un certificado electrónico válido, dispor de tarxeta de empregado público ou ben dispor de usuario e chave de acceso a un ordenador no directorio da Xunta.
2. Portal web corporativa da Dirección Xeral da Función Pública no seguinte enderezo web: <https://www.xunta.gal/funcion-publica/concurso-de-traslados/>) para os concursantes que se atopen en calquera situación administrativa na que poidan participar e que non sexa a

do servizo activo para os que atopen en calquera situación distinta das referidas no punto 1. Deberán dispor dun certificado electrónico válido, tarxeta de empregado público ou ben de credenciais de acceso de Chave365. Pódese dar de alta en Chave365 empregando o procedemento PR001A que se atopa na sede electrónica da Xunta de Galicia na seguinte dirección <https://sede.xunta.gal/detalle-procedemento?codtram=PR001A>

b) No referente á presentación de documentación adicional

No caso de que esta documentación adicional estea formada por copias electrónicas auténticas asinadas electronicamente ou documentos electrónicos con código de verificación electrónico, poderá ser presentada electronicamente a través dos seguintes medios:

1. Portal do Empregado mediante a solicitude de presentación de documentación adicional.
2. Portal corporativo da Dirección Xeral da Función Pública empregando o procedemento PR004A dispoñible na Sede Electrónica da Xunta de Galicia, no seguinte enderezo: <https://sede.xunta.gal/detalle-procedemento?codtram=PR004A>.

Segundo o establecido no apartado 3 do artigo 10 da Lei 39/2015, do 1 de outubro, de procedemento administrativo común das administracións públicas, no Portal web corporativo da Dirección Xeral da Función Pública e no portal do empregado admitiranse os sistemas de identificación Chave365 e as credenciais dos directorios corporativos respectivamente, como sistemas de sinatura para a realización dos trámites indicados, garantindo a acreditación da autenticidade da expresión da vontade e consentimento das persoas interesadas.

Con independencia do que en cada apartado desta convocatoria se estableza, a documentación requirida que non fose posible entregar de modo electrónico deberá presentarse no rexistro xeral da Vicepresidencia e Consellería de Presidencia, Administracións Públicas e Xustiza, nas xefaturas territoriais e oficinas comarcais da dita consellería, ou nos demais lugares previstos no artigo 16, relativo a rexistros, da Lei 39/2015, do 1 de outubro, do procedemento administrativo común das administracións públicas dirixida ao á Dirección Xeral da Función Pública, Servizo de Concursos.

III. Solicitudes de participación no concurso e documentación que debe acompañala.

1. A solicitude de participación atópase dispoñible segundo o indicado na base II de Tramitación electrónica.

Unha vez que teñan accedido á solicitude de participación, deberán cubrir todos os datos que aparecen en pantalla e posteriormente validalos, confirmalos e realizar a presentación electrónica seguindo as instrucións que lle proporcionará o sistema. Na solicitude de participación deberá incorporar a súa dirección de correo electrónico de contacto. No caso de dispor dunha dirección de correo electrónica corporativa coa extensión xunta.es ou xunta.gal debe proporcionar dita dirección.

A solicitude deberá presentarse electronicamente a partir do día seguinte ao da publicación da convocatoria no *Diario Oficial de Galicia* e ata o día incluído.

O persoal funcionario de carreira que pertenza a máis dun corpo e/ou escala só poderá participar nun, á súa elección, debendo presentar unha única solicitude.

2. Na solicitude faranse constar os datos persoais e os datos administrativos referentes á súa situación actual e ás condicións de participación.

No caso de que sexa necesario presentar documentación adicional, deberá realizarse segundo o establecido na base II de Tramitación electrónica.

Nesta fase do concurso non se poderán solicitar os postos de traballo aos que se desexa optar.

Os postos vacantes na data de convocatoria deste concurso publicaranse no anexo II desta resolución.

O persoal de outras administracións deberán achegar á Dirección Xeral da Función Pública a seguinte documentación:

- a) Certificación emitida pola administración de orixe que acredite a situación administrativa dende a que participa, e a data da toma de posesión no último destino definitivo.
- b) Copia autenticada do Celga ou equivalente debidamente homologado polo órgano competente segundo a Orde do 16 de xullo de 2007 (DOG nº 146, do 30 de xullo), modificada pola Orde do 10 de febreiro de 2014 (DOG nº 34, do 19 de febreiro), pola que se regulan os certificados oficiais acreditativos dos niveis de coñecemento da lingua galega (Celga), e pola Orde do 13 de xuño de 2011 pola que se regulan os cursos de linguaxe administrativa e xurídica galegos.

3. O persoal funcionario de carreira con algunha discapacidade poderá pedir na súa solicitude a adaptación do posto ou postos de traballo que vaia solicitar na fase de elección de postos a que se refire a base IV. Coa solicitude de presentación de documentación complementaria deberase

achegar obrigatoriamente un informe expedido polo órgano competente na materia que acredite a procedencia da adaptación (artigo 10 do Real decreto 2271/2004, do 3 de decembro).

4. Para os efectos previstos na base V.4.3.1, o persoal funcionario de carreira que non teña destino definitivo na mesma localidade que o seu cónxuxe ou parella de feito deberá achegar xunto coa solicitude de presentación de información adicional, a seguinte documentación:

- a) Certificado de matrimonio ou acreditación de ser parella de feito.
- b) Certificado do departamento de persoal ou de vida laboral segundo o caso:

– Administracións públicas:

Certificado expedido polo/a xefe/a de persoal do centro directivo onde o cónxuxe ou parella de feito preste servizos no que conste que este/a é empregado/a público/a, o posto que ocupa e a localidade onde o posto radique (anexo I).

– Empresas privadas:

Certificado de vida laboral e contrato de traballo por conta allea en vigor cun mínimo de tres meses de antelación á data de remate do prazo de presentación de solicitudes de participación.

– Autónomos/as:

Certificado de vida laboral e documento de alta no réxime de autónomos da Seguridade Social con efectos dun mínimo de tres meses de antelación á data de finalización do prazo de presentación de solicitudes de participación.

5. Para os efectos previstos na base V.4.3.2, o persoal funcionario de carreira que non teña destino definitivo na mesma localidade en que radique o centro de estudos ou escola infantil dos fillos ou fillas menores de dezaseis anos deberá achegar xunto coa solicitude de participación:

- a) Certificado de nacemento do fillo ou filla menor de 16 anos ou fotocopia compulsada do libro de familia.
- b) Certificado acreditativo da matrícula durante o curso escolar 2019/2020.

6. No suposto de estaren interesados/as nos postos dunha mesma localidade publicada neste concurso, dous/dúas funcionarios/as de carreira poderán, por razóns de convivencia familiar, condicionar a súa petición ao feito de que ambos/as obteñan destino neste concurso e na mesma

localidade, en caso contrario entenderanse anuladas as peticións efectuadas por ambos/as. As persoas concursantes que se acollan a esta petición condicionada deberán facelo constar na súa solicitude.

7. As solicitudes de participación vincularán ás persoas solicitantes unha vez finalizado o prazo de presentación destas.

Poderase renunciar a participar no concurso en calquera momento ata os dez días seguintes ao da publicación das puntuacións provisionais no *Diario Oficial de Galicia*. Unha vez transcorrido o dito prazo, non se admitirá ningunha renuncia á participación agás erro manifesto da persoa solicitante apreciado pola Administración.

IV.- Solicitudes de elección de postos de traballo.

Unha vez rematado o período de presentación de solicitudes de participación (base III), publicarase no DOG a apertura dun prazo de 15 días hábiles para a presentación de solicitudes de elección de postos de traballo.

As persoas interesadas poderán solicitar por orde de preferencia os postos ofertados no anexo II desta convocatoria aos cales se engadirán as potenciais resultas consecuencia das solicitudes de participación presentadas. A relación de postos publicarase no Portal do Empregado (PORTAX), na dirección <https://portax.xunta.es> e na web corporativa da Dirección Xeral da Función Pública, na dirección <https://www.xunta.gal/funcion-publica/concurso-de-traslados/>

A puntuación mínima para poder adxudicar os postos que se ofertan no anexo desta convocatoria é a que para cada un deles se especifica no anexo de postos.

A adxudicación dos postos de traballo efectuarase nun proceso de asignación único que incluírá todas as prazas ofertadas.

As persoas solicitantes só poderán ser adxudicatarias daqueles postos para cuxo desempeño reúnan os requisitos establecidos na correspondente relación de postos de traballo. A adxudicación dun posto de resultas estará condicionada a que o dito posto sexa de necesaria cobertura.

Con independencia do establecido na base I.2, relativa a quen está obrigado a participar, entenderase que renuncian a participar no concurso todas aquelas persoas que, habendo presentado unha solicitude de participación, non presenten solicitude de elección de postos de traballo.

De acordo co disposto na base I.2, o persoal funcionario de carreira que se encontre ao dispor do órgano competente ou adscrito provisionalmente a un posto de traballo, estará obrigado a participar e a solicitar todos os postos situados na mesma localidade e en localidades que, de acordo co disposto no artigo 97.5 e a disposición transitoria quinta da LEPG, se atopen a unha distancia de 30 quilómetros en relación coa localidade do último posto que ocupou con carácter definitivo ou da localidade do posto ao que está adscrito provisionalmente. Esta elección de localidade deberá manifestarse expresamente na solicitude de elección de postos de traballo.

Para a elección dos postos de traballo as persoas concursantes, despois de premer na epígrafe da modalidade de solicitude, deberán cubrir todos os datos que aparecen en pantalla, proceder a validalos e confirmalos.

Na dita solicitude deberá indicarse por orde de preferencia os postos aos que se opta no concurso, e poderanse intercalar os inicialmente vacantes nas relacións de postos de traballo cos potencialmente vacantes de resultas. Estes últimos corresponderanse cos postos de traballo cuxo sistema de provisión fose o concurso ordinario e que estivesen ocupados con carácter definitivo por aqueles participantes que obtivesen un posto de traballo como consecuencia da adxudicación do concurso.

A solicitude deberá presentarse electronicamente segundo o establecido na base II de Tramitación electrónica.

As solicitudes de elección de postos de traballo vincularán ás persoas solicitantes unha vez finalizado o prazo de presentación destas.

V. Valoración de méritos.

A valoración dos méritos para a adxudicación de postos de traballo efectuarase conforme ao seguinte baremo:

1. Antigüidade (servizos prestados nas Administracións públicas):

Por cada mes de servizos como persoal funcionario: 0,02 puntos.

A puntuación máxima da base V.1 será de 7,5 puntos.

Para estes efectos computaranse os servizos recoñecidos polo órgano competente de conformidade co establecido na Lei 70/1978, do 26 de decembro, de recoñecemento de servizos previos nas administracións públicas.

2. Méritos específicos adecuados ás características do posto de traballo:

Os méritos que se especifiquen para cada posto de traballo desta resolución valoraranse do seguinte modo:

2.1. Por cada mes de servizos da experiencia adquirida coa condición de persoal funcionario que, de ser o caso, para cada posto de traballo se especifique: 0,02 puntos.

A puntuación da alínea 2.1 non poderá superar 3,2-puntos.

2.2. Por estar en posesión da titulación académica que especificamente se mencione na RPT para o posto de traballo: 1 punto. No caso de que se mencione máis dunha titulación só se valorará unha.

2.3. Por estar en posesión do nivel de coñecementos da lingua estranxeira que se especifique para o posto de traballo, acreditado segundo o Marco Europeo Común de Referencia para as linguas (MERC): 1 punto. No caso que se mencione máis dun idioma só se valorará un.

2.4. Por estar en posesión do permiso de conducir valorable para o desempeño do posto de traballo: 0,75 puntos.

Os distintos apartados da base V.2 non se valorarán como mérito cando figuren como requisito imprescindible para acceder ao posto.

A puntuación máxima da base V.2 será de 3,5 puntos.

3. Grao persoal.

Polo nivel **20** de grao consolidado, recoñecido e formalizado: **2,5** puntos.

Por cada unidade de nivel que exceda de **20**: 0,15 puntos

A puntuación máxima da base V.3 será de 4 puntos.

No suposto en que ás persoas concursantes non teñan recoñecido ningún grao persoal ou este sexa inferior a 20 computarase, para os efectos de puntuación nesta epígrafe, o nivel mínimo correspondente ao intervalo de niveis do grupo de pertenza do funcionario ou funcionaria.

4. Traballo desenvolvido, tempo transcorrido dende o último posto de traballo obtido con carácter definitivo e medidas de conciliación laboral e igualdade de xénero.

4.1. Traballo desenvolvido.

4.1.1. Só se computará o traballo desenvolvido coa condición de funcionario/a nos distintos subgrupos.

4.1.2. A determinación da puntuación realizarase a partir do sumatorio das puntuacións parciais obtidas no desempeño dun ou máis postos de traballo do mesmo ou diferente nivel de destino como consecuencia de aplicar a seguinte fórmula.

$$\text{Traballo desenvolvido} = (T1 \cdot P1 + T2 \cdot P2 + \dots + Tn \cdot Pn)$$

Onde:

- Ti amosa o tempo total de traballo desenvolvido nun nivel de destino concreto (i) expresado en meses (teranse en conta meses de 30 días).
- Pi amosa a puntuación asignada ao nivel de destino (i) segundo o seguinte criterio:

Polo nivel de destino 10: 0,001 puntos.

Por cada unidade de nivel de destino que exceda de 10: 0,001 puntos, ata un máximo de 0,020 puntos.

4.2. Tempo transcorrido dende a última adxudicación dun posto con carácter definitivo:

Por cada mes de servizos de tempo transcorrido dende a última adxudicación dun posto con carácter definitivo do corpo ou escala dende o que participa: 0,015 puntos. Exceptúanse os períodos de tempo que non sexan computables de acordo coa LEPG.

Exclúense da puntuación os dous anos de permanencia obrigatoria se o último posto adxudicado con carácter definitivo se obtivo polo sistema de concurso, e os dous primeiros anos se o último posto adxudicado con carácter definitivo se obtivo polo sistema de libre designación.

4.3. Medidas de conciliación e de igualdade de xénero

- 4.3.1. Outorgaranse 0,5 puntos para acceder aos postos situados na localidade onde radique o posto de traballo do cónxuxe ou parella de feito sempre que o solicitante non teña destino definitivo nesa mesma localidade.

Esta circunstancia xustificarse documentalmente xunto coa solicitude de participación no concurso nos termos establecidos na base III.4.

- 4.3.2. Outorgaranse 0,5 puntos para acceder aos postos situados na localidade onde radique o centro de estudos ou escola infantil en que estea matriculado un ou máis fillos ou fillas menores de dezaseis anos sempre que a persoa solicitante non teña destino definitivo nesa mesma localidade.

Esta circunstancia xustificarse documentalmente xunto coa solicitude de participación no concurso nos termos establecidos na base III.5.

Para os efectos do disposto nas alíneas 4.3.1 e 4.3.2 entenderase por localidade do posto de traballo do cónxuxe ou localidade do domicilio familiar tanto o concello no que efectivamente radiquen ambas como os concellos xeograficamente limítrofes con este.

A puntuación das alíneas 4.3.1 e 4.3.2 outorgarase con carácter alternativo e nunca acumulativo.

- 4.3.3. Outorgaranse 0,01 puntos por mes a aqueles funcionarios o funcionarias que estean gozando ou gozasen nos cinco anos anteriores ao remate do prazo de presentación de solicitudes dunha excedencia para o coidado de fillos/as ou familiares. Esta circunstancia, de ser o participante persoal funcionario da Administración da Xunta de Galicia incluído no ámbito de competencias da Dirección Xeral da Función Pública, apreciarase de oficio.

A puntuación da alínea 4.3.3 non poderá superar os 0,6 puntos

A puntuación máxima da base V.4 será de 5,5 puntos.

5. Cursos de formación e perfeccionamento.

Valorarase a asistencia e, de ser o caso, a superación de cursos organizados e impartidos directamente pola Escola Galega de Administración Pública, Academia Galega de Seguridade Pública, escolas oficiais de formación do Estado e das restantes comunidades autónomas, e cursos impartidos no marco do Acordo de formación para o emprego das administracións públicas (Afedap) e os cursos impartidos polas organizacións sindicais sempre que se atopen homologados pola Escola Galega da Administración Pública. Neste punto quedan incluídos os de contido en materia de igualdade, prevención e loita contra a violencia de xénero, así como os de prevención de riscos, seguridade e saúde laboral.

Para cada curso de duración igual ou superior a 8 horas lectivas valoraranse con 0,01 puntos cada hora de formación, ata un máximo de 2 puntos por curso.

Para os efectos de puntuación desta alínea estimaranse como valorables as probas de avaliación de carácter libre organizadas pola EGAP ao consideralas equivalentes a un aproveitamento polas horas previstas dos correspondentes cursos organizados e impartidos directamente pola EGAP.

Non se valorará:

A asistencia a congresos, xornadas, seminarios, simposios e similares.

Os módulos ou partes integrantes dun curso.

As materias (créditos) que formen parte dunha titulación académica.

Os cursos de doutoramento.

Os cursos que formen parte dos procesos de selección de persoal funcionario.

A puntuación máxima da base V.5. será de 4 puntos.

6. Grao de coñecemento do idioma galego

- a) Celga 3 ou equivalente: 1,25 puntos.
- b) Celga 4 ou equivalente: 2,00 puntos.
- c) Curso de nivel medio de linguaxe administrativa galega, curso de nivel medio de linguaxe administrativa local galega, curso de linguaxe xurídica galega, ciclo superior dos estudos de galego das escolas oficiais de idiomas ou Celga 5: 2,75 puntos
- d) Curso de nivel superior de linguaxe administrativa galega ou curso de nivel superior de linguaxe xurídica galega: 3,50 puntos

En caso de acreditar máis dun grao de coñecemento de galego, só se computará o superior.

Só se lle concederá validez, no que se refire á acreditación do coñecemento do galego, aos cursos, estudos ou titulacións validadas polo órgano competente de acordo coa Orde do 16 de xullo de 2007 (DOG nº 146, de 30 de xullo), modificada pola Orde do 10 de febreiro de 2014 (DOG nº 34, do 19 de febreiro), pola que se regulan os certificados oficiais acreditativos dos niveis de coñecemento da lingua galega (Celga), e pola Orde do 13 de xuño de 2011 pola que se regulan os cursos de linguaxe administrativa e xurídica galegos.

O coñecemento do idioma galego só será obxecto de valoración nesta epígrafe.

A puntuación máxima da base V.6 será de 3,5 puntos.

7. Polo grupo ao que pertenza o/a concursante e desde o cal participe no concurso outorgaranse os seguintes puntos:

Subgrupo A1: 4 puntos

8. A orde de prioridade para a adxudicación das prazas determinarase pola puntuación obtida de acordo co baremo anterior.

Todos os méritos contemplados na base V computaranse ata a data de finalización do prazo de presentación de solicitudes de participación no concurso.

En caso de empate nas puntuacións acudirase para dirimilo á outorgada polos méritos alegados seguindo a orde establecida nos diferentes apartados desta base. De persistir o empate resolverase pola orde alfabética do primeiro apelido, e de ser igual polo segundo, a partir da letra resultante no sorteo que tivo lugar o día **24 de xaneiro do 2019**. (DOG nº 25, do 5 de febreiro). En último lugar o empate dirimirase por sorteo entre as persoas implicadas.

VI. Xustificación da posesión de méritos e requisitos.

1. Os méritos e os requisitos específicos para o acceso aos postos deberán posuírse na data de finalización do prazo de presentación de solicitudes de participación no concurso, , concretamente o día dede 201.....incluído.

2. O procedemento para a xustificación destes méritos e requisitos será o seguinte:

Para a xustificación dos méritos e/ou requisitos as persoas concursantes, no prazo de 15 días hábiles a contar dende o día de apertura do prazo de presentación de solicitudes de elección de postos de traballo ao que se refire o parágrafo primeiro da base IV, actuarán do seguinte xeito:

- a) Aquelas persoas participantes na situación administrativa de servizo activo e pertencentes ao corpo facultativo superior de administración especial da administración xeral da Comunidade Autónoma de Galicia, escala de veterinarios, o impreso de emenda, de ser o caso, deberá ser presentado por rexistro dirixido á unidade de persoal da que dependa o posto que ocupa á data de inicio do prazo de xustificación de méritos.
- b) Aqueles participantes noutra situación administrativa distinta da de servizo activo e pertencentes ao corpo facultativo superior de administración especial da administración xeral da Comunidade Autónoma de Galicia, escala de veterinarios, o impreso de emenda, de ser o caso, deberá ser presentado por rexistro dirixido á Dirección Xeral da Función Pública.

Para os participantes dos puntos VI.2.a) y VI.2.b)

- Deberán acceder á aplicación de xeración de impresos para xustificar os méritos segundo o establecido na base II de Tramitación electrónica.
- No suposto de estar conforme cos datos consultados, a persoa interesada deberá validalos e deberá presentar electronicamente o impreso de conformidade.
- No suposto de desconformidade con algún dos datos por erróneos ou incompletos, a persoa interesada deberá corrixir os datos erróneos ou incorporar a información que considere oportuna e xerar o impreso de emenda.
- Xunto co impreso de emenda as persoas interesadas achegarán a documentación adicional xustificativa das modificacións que propoñan para que polas unidades correspondentes se emita a oportuna certificación segundo o modelo que estableza a Dirección Xeral da Función Pública, validando, de estímalo procedente, as correccións realizadas. Esta documentación adicional deberá presentarse segundo o indicado na base II de Tramitación electrónica.

- c) Para o resto de concursantes, a xustificación de méritos alegados deberá ser presentada por rexistro e dirixida á Dirección Xeral da Función Pública da Consellería de Facenda, da Administración da Comunidade Autónoma de Galicia.

O prazo para expedir esta certificación será de corenta e cinco días hábiles a contar dende o día de apertura do prazo de presentación de solicitudes de elección de postos de traballo ao que se refire o parágrafo primeiro da base IV.

Unha vez expedida a certificación, esta seralle enviada á dirección de correo electrónico introducida na súa solicitude de participación. Unha vez recibida a súa solicitude de certificación de méritos, deberá ser presentada electronicamente segundo o indicado na base II de Tramitación electrónica.

O prazo para presentar a certificación, derivada das actuacións anteriores, ou a xustificación de tela solicitada, será de cincuenta días hábiles a contar dende o día de apertura do prazo de presentación de solicitudes de elección de postos de traballo ao que se refire o parágrafo primeiro da base IV.

Os datos reflectidos no impreso de conformidade ou na certificación serán os que teña en conta a comisión de valoración do concurso para a adxudicación dos postos de traballo solicitados. Calquera dato omitido non poderá ser invocado para os efectos de futuras reclamacións, nin considerar por tal motivo lesionados os seus intereses e/ou dereitos.

Calquera impreso de conformidade ou certificación que non reúna os requisitos ou que fose enviado pola persoa interesada fóra do prazo establecido, terase por non presentada, agás no suposto establecido no último parágrafo da base VI.2.

VII. Listaxe de persoas admitidas e excluídas

1. Expirados os prazos de presentación das solicitudes de participación no concurso e de petición de postos de traballo, a Dirección Xeral da Función Pública ditará resolución que se publicará no *Diario Oficial de Galicia* na que se declararán aprobadas as listas de persoas admitidas e excluídas con indicación do lugar no que estarán a disposición das persoas interesadas.
2. As persoas excluídas disporán dun prazo de dez días hábiles, contados a partir do día seguinte ao da publicación da resolución, para poder emendar, de ser o caso, o defecto que

motivase a exclusión. O formulario de reclamación deberá cumprimentarse e presentar electronicamente segundo o establecido na base II de Tramitación electrónica.

Unha vez transcorrido o dito prazo a Dirección Xeral da Función Pública ditará resolución definitiva. Contra esta resolución poderase interpoñer, no prazo dun mes a contar dende o día seguinte ao da súa publicación no *Diario Oficial de Galicia* e de conformidade co establecido na Lei 39/2015, do 1 de outubro, do procedemento administrativo común das administracións públicas, recurso potestativo de reposición ante o mesmo órgano ou, directamente, recurso contencioso-administrativo ante o Xulgado do contencioso-administrativo correspondente, no prazo de dous meses contados dende a mesma data e de conformidade co establecido na Lei 29/1998, do 13 de xullo, reguladora da xurisdición contencioso-administrativa.

VIII. Comisión de valoración.

1. A valoración dos méritos alegados polas persoas concursantes para a adxudicación dos postos de traballo vacantes será efectuada pola comisión de valoración que prevé o artigo 12 do Regulamento de provisión de postos de traballo, promoción profesional e promoción interna, coa composición establecida nel. Esta comisión terá a categoría primeira das previstas no Decreto 144/2001, do 7 de xuño, e será nomeada polo órgano convocante. Os acordos da comisión adoptaranse por maioría dos seus membros.
2. A comisión poderá dispor a incorporación aos seus traballos de asesores para aquelas tarefas que o requiran, procedendo o órgano convocante ao seu nomeamento.
3. A proposta de adxudicación dos postos de traballo ofertados recaerá sobre o/a concursante que obtivese maior puntuación conforme ao baremo establecido na base V, así como, se é o caso, conforme aos criterios de desempate fixados na base V.8.
4. Unha vez efectuada a proposta de valoración provisional dos méritos esta farase pública no *Diario Oficial de Galicia* mediante resolución da Dirección Xeral da Función Pública da Consellería de Facenda.

Contra a dita resolución as persoas concursantes poderán formular as oportunas reclamacións no prazo de dez días hábiles que se contarán a partir do seguinte ao da publicación. O formulario de reclamación deberá cumprimentarse e presentar electronicamente segundo o establecido na base II de Tramitación electrónica.

O dito formulario de reclamación deberá especificar a alínea ou alíneas da base V sobre as cales se formula a reclamación, con indicación expresa daqueles méritos que se consideran erroneamente puntuados e a causa concreta obxecto de reclamación.

5. Examinadas e resoltas pola comisión as reclamacións presentadas, elevarase proposta definitiva de resolución do concurso. A convocatoria resolverase por resolución da persoa titular da Dirección Xeral de Función Pública, que se publicará no *Diario Oficial de Galicia* e na que figurarán os destinos adxudicados a cada un dos participantes.

A estimación ou desestimación das reclamacións presentadas contra a valoración provisional de méritos entenderanse implícitas na devandita resolución.

IX. Adxudicación de destinos.

1. Os destinos adxudicados serán irrenunciabes salvo que con anterioridade á finalización do prazo posesorio se obteña outro destino mediante convocatoria pública, ben polo procedemento de libre designación ou por concurso, casos nos que poderán optar entre os postos adxudicados, estando obrigados a comunicar por escrito a opción seleccionada á Dirección Xeral da Función Pública no prazo de tres días seguintes ao da publicación no DOG da Resolución pola que se abren prazos posesorios.
2. Os traslados que se deriven da resolución do presente concurso terán a consideración de voluntarios polo que, en consecuencia, non xerarán dereito á indemnización.

X. Toma de posesión.

A toma de posesión en todos os postos adxudicados como consecuencia da realización do presente concurso efectuarase a partir da data que se faga constar na orde de resolución deste e iniciará o cómputo dos prazos posesorios establecidos no artigo 14 do Decreto 93/1991, do 24 de marzo, polo que se aproba o Regulamento de provisión de postos de traballo, promoción profesional e promoción interna.

XI. Recursos.

Contra esta resolución, que pon fin á vía administrativa, poderase interpoñer recurso potestativo de reposición ante esta mesma Dirección Xeral, no prazo dun mes que se contará dende o día

seguinte ao da súa publicación no *Diario Oficial de Galicia*, de conformidade co establecido na Lei 39/2015, do 1 de outubro, do procedemento administrativo común das administracións públicas ou, directamente, recurso contencioso-administrativo ante o Xulgado do contencioso-administrativo correspondente, no prazo de dous meses contados dende a mesma data, de conformidade co establecido na Lei 29/1998, do 13 de xullo, reguladora da xurisdición contencioso-administrativa.

Santiago de Compostela, xx de xxxxxxxxxxxx de 2019.

Director xeral da Función Pública

José María Barreiro Díaz.

ANEXO I
Certificación do posto do cónxuxe ou parella de feito

Nome do/a funcionario/a que certifica
Cargo

CERTIFICO: que segundo os antecedentes que constan neste centro directivo e á vista da documentación presentada polo/a funcionario/a:

D./D^a _____ DNI _____, ten acreditados os seguintes datos administrativos:

NRP	Corpo/escala	Subgrupo	Administración (xeral/especial)
Situación administrativa	(1)		Data do paso á situación administrativa

Posto de traballo	Data de toma de posesión	Forma de provisión
Código do posto	Unidade orgánica da que depende	
Consellería/Organismo	Localidade	Provincia

Administración á que pertence o posto: Xunta () Estado () Local () Outras ()
--

(1) Reservado para cubrir pola Dirección Xeral da Función Pública